

# Gargaarsa Waaqa Irraa



## GARGAARSA WAAQA IRRAA

**“GARGAARSA WAAQA IRRAA”** kan jedhu kun kan qophaa’e kutaalee macaafa Qulqulluu garaa garaa ergaa mata duree kanaa qaban walitti funaanuudhaan. Hunda caalaa caaffata qullaao’oo kan ibsuu dand’u Macaafa Qulqulluu akka ta’e nan amana.

Sagaleen Waaqayyoo olii dhufa Waaqayyo biraan. Sagaleen Waaqayyoo kun warra yaadi garaa isaanii waanta qajeelaa hawwu guddaa gargaara. Yeroo namni cubbuu isaatti gaabbu, Yesuus Kiristoos gara isaa akka dhufu yeroo kadhatu, gooftaan Yesuus fayyisaa isaa akka ta’e garaa guutuu yoo amane, gooftaan Yesuus Kiristoos gara nama kanaa dhufa, nagaa fi gammachuus ni kennaaf. Anis ayyaana kana bara 1937 ttan fudhadhe, yeroo sanaa eegalee quunnamtii dinqisiisaan isaa wajjin qaba.

Isinis hanga ammaatti yoo Gooftaa kana fayyisaa keessanii fi Gooftaa keessan godhattanii hin fudhanne ta’e akka isin ammuma kana isatti amantaniif garaa guutuun isin kadhadha!

–Waatson Gudmaan

**Waaqayyo garuu, utuma nuyi cubbamoota taa-nee jirruu, Kiristoos nuuf du'uu isaatiin hammam akka nu jaallate ni argisiisa.**

—Gara Warra Roomaa 5:8

**Ayyaana Faasiikaa dura, Yesuus biyya lafaa ka-na keessaa gara abbaa dhaquuhaaf yeroon isaa akka ga'e ni beeke; inni biyya lafaa kana keessatti kan isaa warra ta'an akkuma jaallate, hamma dhumaatti jaalala guutuu isaan argisiise.**

—Wangeela Yohannis 13:1

**“Namni tokko firoota isaatiif jirenya isaa da-barsee kennuu irra kan caalu, jaalala guddaa qa-baachuu hin danda'u.”** —Wangeela Yohannis 15:13

**Yesuus Kiristoos dhuga-baatuu amanamaa dha, inni warra du'an keessaa angafa ta'ee kaafame, mootota lafa kanaas ni abbooma. Inni nu jaallatee, dhiiga isaa isa nuuf dhangala'een cubbuu kee-nya irraa nu fure.**

—Mul'ata Yohannis 1:5

**“Waaqayyo, akkasitti tokkicha ilma isaa hamma kennuufitti biyya lafaa jaallate; kun immoo isatti kan amanu hundinuu jirenya bara baraa haa qabaatuuf malee, haa baduuf miti.”**

—Wangeela Yohannis 3:16

**Ammas Waaqayyo fagootti anatti mul'atee, saba kanaan, “Ani jaalala bara baraatiin si jaalladheera, kanaafan gaarummaa kootiin ofitti si dhi' eesse...” jedhe.**

—Macaafa Ermiyaas Raajichaa 31:3

## 2 WAAQAYYUMMAA YESUUS KIRISTOOS

Nama Waaqayyoo ta'uu keessa iyyuu dhoksaan guddaan akka jiru amanamaa dha; kanaafis, "Inni foon uffatee mul'ateera, hafuurichi dhugaa galcheeraaf, ergamoota Waaqayyootti argameera, saba biyya lafaa keessatti lallabameera, guutummaa biyya lafaa keessatti itti amanameera, ulfinaan ol fudhatameera" jedhamee himameera.

-1 Gara Ximotewos 3:16

Sagalichi jalqaba waan hundumaa dura ture; sagalichi Waaqayyo bira ture, sagalichi ofii isaa Waaqayyo ture. Sagalichis nama foonii ta'ee, nu gidduus buufate. Ulfina isaa isa ayyaanaa fi dhu-gaadhaan guutes argine; ulfinni isaas isa ilmi tokkichi abbaa isaa irraa argatu ture.

-Wangeela Yohannis 1:1 fi 14

Kun hundinuu inni Waaqayyo gooftaan afaan raajichaatiin dubbate akka raawwatamuuf ta'e. Innoo, "Kunoo durbi ni ulfoofti ilmas ni deessi, maqaa isaas 'Amaanu'el' jedhanii ni moggasu" jedhe, "Amaanu'el" jechuun "Waaqayyo nuu wajjin jira" jechuu dha. -Wangeela Maatewos 1:22, 23

"Abbaanii fi ani tokko" isaaniin jedhe.

-Wangeela Yohannis 10:30

Yesuus deebisee, "Utuma ani yeroo dheeraa hammana ga'u isinii wajjin jiraadhuu iyyuu ana hin beeknee, Filiphos? Namni ana arge abbaa arge; attamitti, 'Abbaa nu argisiisi' jetta ree? Ani abbaa keessa, abbaanis ana keessa akka jiru hin amantuun ree? Abbaa isa ana keessa jiraatutu hojii isaa hojjeta malee, dubbii ani isinitti dubbadhu hundumaa ofuma kootiin hin dubbadhu."

-Wangeela Yohannis 14:9, 10

**Namni Yesuus ilma Waaqayyoo ta'uu isaa amanee yoo beeksise, Waaqayyo isa keessa, innis Waaqayyo keessa ni jiraata.**

-1 Ergaa Yohannis 4:15

**Ergamichi immoo, "Hafuurri qulqulluun si irra ni bu'a, humni abbaas si golbooba, kanaafis mucichi si irraa dhalatu kun qulqulluudhaa fi ilma Waaqayyoo jedhamee ni waamama."**

-Wangeela Luqaas 1:35

**Mucaan nuuf dhalateera, ilmis nuuf kennameera; humni mootummaa isaa gatiittii isaa irra jira; maqaan isaa, "Gorsaa, dinqii, waaqayyo-jabaa, abbaa bara baraa, angafa nagaa" ni jedhama.**

-Macaafa Isaayaas Raajichaa 9:6

**Utuu inni kana dubbachaa jiruu, kunoo duu-messi ifa of keessaa qabu tokko isaanitti uffise. Sagaleenis duumessicha keessaa dubbatee, "Kun ilma koo isa ani jaalladhu, gammachuun koos istti ni raawwatama; isa dhaga'aa!" jedhe.**

-Wangeela Maatewos 17:5

**Namichi immoo, "Inni isa kam? Yaa gooftaa, anatti himi, itti nan amana!" jedhee deebiseef. Kana irratti Yesuus, "Isa'oo dur argite, inni amma sii wajjin dubbachaa jirus isuma" jedheen.**

-Wangeela Yohannis 9:36, 37

**Guutummaan Waaqayyummaa namummaa Kiro-stoos keessa ni jiraata. -Gara Warra Qolosaayis 2:9**

## **4 YESUUS EENYU AKKA TA'E NUTTI HIMAA**

Inni immo, “Isin kan goodaa kanaa ti, ani immoo kan gubbaa sanaa ti; isin kan biyya lafa kanaa ti, ani garuu kan biyya lafaa kanaa miti. Yesuus immoo deebisee, “Dhuguma, dhuguman isinitti hima, Abrahaam utuu hin dhalatin iyyuu ani jiran ture” isaaniin jedhe.

-Wangeela Yohannis 8:23 fi 58

Dubartittiin immoo deebiftee, “Masiihiin inni Kiristoos jedhamu akka dhufu anuu beeka; inni gaafa dhufe waan hundumaa nutti ni hima” jette. Yesuus yommus, “Inni amma sii wajjin dubbachaa jira; kunoo, ani isa” ittiin jedhe.

-Wangeela Yohannis 4:25, 26

Yommus Yesuus, “Ana buddeenni jirenyaa, gara koo kan dhufu hin beela’u, kan anatti amanus matumaa hin dheebootu.” –Wangeela Yohannis 6:35

“Biyya lafaa Keessa hamman jirutti, ani ifa biyya lafaa ti” isaaniin jedhe.

-Wangeela Yohannis 9:5

Yesuus ammas “Dhuguma, dhuguman isinitti hima, ana balballi hoolotaa!” –Wangeela Yohannis 10:7

Yesuus garuu, “Du’aa ka’uun, jireenyis ana; na-mni anatti amanu yoo du’e iyyuu ni jiraata.”

-Wangeela Yohannis 11:25

“Barsiisaa, gooftaas” jettanii na waamtu, isin akku-ma jettan iyyuu ani isa. –Wangeela Yohannis 13:13

Yesuus deebisee, “Karichi, dhugaan, jireenyis, ana; anaan yoo ta’e malee, eenu iyyuu gara abbaa hin dhufu.”

-Wangeela Yohannis 14:6

Kana booddee marguma sana irra akka taa'aaniif tuuta sana abboomee, buddeena shananii fi qurxummii lamaan fuudhee, gara waaqaatti ol ilaalee, eebbisee cabsees, buddeena sana bartoota isaatti kekkenne; bartoonni immoo tuuta sanaaf ni dhi'eessan. Isaan hundumtinuu nyaatanii ni quufan; ergasii bartoonni hurraa isaan irraa hafe gundoo kudha lama guutuu fuudhan. Warri nyaatanis dubartootaa fi ijoollee malee dhiirri akka kuma shanii turan.

-Wangeela Maatewos 14:19-21

Simoon immoo deebisee “Yaa barsiisa, eda halkan guutuu baay’ee itti dadhabne, homaas hin qabne, amma garuu erga ati dubbattee dubbii keetiif jedhee kiyyicha nan darbadha” jedheen. Isaan kiyyoo isaanii yommuu darbatan, kiyyoon isaanii hamma tarso’uu ga’utti, qurxummii danuu qabatan.

-Wangeela Luqaas 5:5, 6

Kunoo, namoonmi jaamonni lama karaa bukkee ni taa’u turan; isaanis Yesuus achiin darbaa akka ture dhageenyaan iyyanii, “Gooftaa, yaa ilma Daa-wit nu maari!” jedhan. Yommus Yesuus dhaabatee isaan waamee, “Maal akkan isiniif godhu barbaadu?” jedhe. Isaan immoo deebisanii, “Gooftaa, ija keenya akka nuuf bantu” jedhaniin. Yesuus is gara-laafinaan ija isaanii qaqqabnaan, achumaan agartuun isaanii deebi’eefii, isa duukaas bu’an.

-Wangeela Maatewos 20:30 fi 32b-34

# YESUUS KIRISTOOS UUMAA FI GOOFTAA DHA

**Wanti waaqa keessa jiruu fi wanti lafa irra jiru hundinuu, wanti ijaan argamuu fi wanti ijaan hin argamne, warri teessota irra taa'anii fi warri mootummaa qaban, warri bantii waaqaa keessaa gooftummaa fi aboo qabu jedhamanii sodaata-man isaan uumaman; wanti hundinuu karaa isaa uumame, isaafis uumame.**

-Gara Warra Qolosaayis 1:16

**Wanti hundinuu isumaan ta'e; waan ta'e kees-saas isa malee kan ta'e tokko illee hin jiru.**

-Wangeela Yohannis 1:3

**Arrabni hundinuu, ulfina Waaqayyoo abbaatiif, Yesuus Kiristoos gooftaa akka ta'e beeksisuuf jiru.**

-Gara Warra Filiphisiyyus 2:11

**Bara duriitti Waaqayyo si'a baay'ee karaa garaa garaatiin, raajotaan abboota keenyatti dubbateera. Guyyoota bara isa dhumaan kanatti immoo ilma isaatiin nutti dubbate; Waaqayyoo ilma isaa kanaan waaqaa fi lafa uume, waan hundu-maas harka isaatti kennuuf isa dhaabe.**

-Gara Ibrootaa 1:1, 2

**"Egaa Waaqayyo, Yesuus isa isin muka irratti fanniftan kana gooftaadhaa fi Masiihii akka go-dhe, Israa'elonni hundinuu utuu hin mamin haa beekan!" jedhe.**

-Hojii Ergamootaa 2:36

**Gooftaa warra du'aniif warra jiranii ta'uudhaaf, Kiristoos du'ee deebi'ee jiraate.**

-Gara Warra Roomaa 14:9

**Waaqayyo, inni gara tokkummaa ilma isaa Yesuus Kiristoos gooftaa keenyaatti isin waame, amana-maa dha.**

-1 Gara Warra Qorontos 1:9

# **YESUUS KIRISTOOOS ABBAAN ALANGAA 7 OL-AANAA DHA**

**Ati garuu maliif obboleessa keetti faradda ree?  
Yookiis ati maaliif obboleessa kee ceephaata ree?  
Hundumti keenya barcuma firdii Waaqayyoo du-  
ratti dhi'aachuuf jirra.** –Gara Warra Roomaa 14:10

**Waaqayyo duratti, Kiristoos Yesuus isa warra ji-  
ranii fi warra du'anitti faraduuf jiru durattis, ma-  
qaa isa deebi'ee mul'atee, mootummaa isaas argi-  
siisu sanaan cimsee sin gorsa.**

**–2 Gara Ximotewos 4:1**

**Yesuus ammoo, “Ilmi namaa ulfina isaatiin, erga-  
moonni Waaqayyoos hundinuu isaa wajjin ni dhu-  
fu; yommus inni teessoo ulfina isaatii irra ni  
taa'a. Yommus namoonni biyya lafaa hundinuu  
fuula isaa duratti walitti ni qabamu; tikseen, hoo-  
lota re'ootattii akka gargar fo'u, innis namootaa  
sana gargar ni fo'a.” –Wangeela Maatewos 25:31, 32**

**“Abbaan ofii isaatii homaattuu hin faradu, fir-  
dii hundumaa harka ilma isaatti kenneera malee.”**

**–Wangeela Yohannis 5:22**

**Akka Wangeela ani barsiisuutti, guyyaa Waaqa-  
yyo harka Yesuus Kiristoosiin dhoksaa namootaa  
bakkee baasee faradutti, wanti kun ni beekama.**

**–Gara Warra Roomaa 2:16**

**“Inni Wangeelicha namootatti akka lallabnuuf,  
warra jiranii fi warra du'an irratti abbaa firdii  
ta'ee moosifamuu isaas, akka dhugaa banuuf nu  
abboomeera.”**

**–Hojii Ergamootaa 10:42**

## **8 FAYYINNI KARAA KIRISTOOS QOFA**

**“Balbalichi ana, inni anaan ol galu ni fayya; ol ni gala, gadis ni ba’ā, dheedichas ni argata.”**

**-Wangeela Yohannis 10:9**

**Yesuus deebisee, “Karichi, dhugaan, jireenyis, ana; anaan yoo ta’ē malee, eenu iyuu gara abbaa hin dhufu.”**

**-Wangeela Yohannis 14:6**

**“Cubbuu keessaniin akka duutan isinitti himeer;a; ani eenu akkan ta’ē beektanii yoo amanuudhaa-baattan, cubbuu keessaniin ni duutu” isaaniin jedhe.**

**-Wangeela Yohannis 8:24**

**Inni isa waan hundumaa fiixaan baase ta’ee erga argamee immoo, warra isaaf abboomaman hundu-maaf sababii fayyina bara baraa ta’ē.**

**-Gara Ibrootaa 5:9**

**Hundinuu yakkaniiru, ulfinni Waaqayyoos isaa-nitti hir’ateera. Isaanumti immoo ayyaana Waa-qayoo isa karaa furii Yesuus Kiristoos tola isaa-niif kennameen, qajeelota ni ta’u.**

**-Gara Warra Roomaa 3:23, 24**

**Kana irraa kan ka’es inni yeroo hundumaa isaanifiif kadhachuudhaaf waan jiraatuuf, warra karaa isaa gara Waaqayyootti dhi’aatian hamma dhumaatti fayyisuu ni danda’ā.**

**-Gara Ibrootaa 7:25**

**“Fayyinnis Yesuus Kiristoos duwwaadhaan malee, kan biraatiin tokko illee hin jiru; maqaan kan biraa, ittiin fayyuun kan nuuf ta’u, waaqa jalaa ilmaan na-mootaaf hin kennamne” jedhe.**

**-Hojii Ergamootaa 4:12**

**Waaqayyo karaa gooftaa keenyaa Yesuus Kiristoos fayyina akka argannuuf malee dheekkamsaaf yaa-dee nu hin qopheessine.**

**-1 Gara Warra Tasaloniiqee 5:9**

Kiristoos Yesuusitti jiraachuun keessan Waaqayyo biraat'a'e; Waaqayyo Kiristoosiin ogummaa keenya nuuf godhe. Isumaan qajeelota taanee, Waaqayyoof qulqulloofnee ni furamna.

-1 Gara Warra Qorontoos 1:30

Inni seera irra-daddarbuu hundumaa jalaa nu furuudhaaf, saba fo'amaa warra hojii gaariitiif hinnaafan ofii isaatiif qulleessuudhaaf, ofii isaa nuuf kenne.

-Gara Tiitoos 2:14

Abbaa keenya isa ifa waaqa irraattii qooda warra isaaf qulqulla'anii keessaa hirmaachuu isin dandeessiseef galata dhi'eessaa! Inni aboo dukkanaa jalaa nu baasee, gara mootummaa ilma isaa isa jaallatamaatti nu dabarse. Ilma isaa kanaan furamuu dhiifamuu cubbuus arganneerra.

-Gara Warra Qolosaayis 1:12-14

"Ilmi namaa isa bade barbaaduudhaaf fayyisuudhaafis dhufeera" jedhe. -Wangeela Luqaas 19:10

Isaan faarfannaa haaraa yommuu faarfatan, "Ati macaaficha fudhachuudhaaf, mallattoo isaas banuudhaaf kan maltee dha; ati ofii keetii qalamtee, gosa hundumaa keessaa, afaan hundumaa keessaa, nama hundumaa keessaa, saba hundumaa keessaas, namoota dhiiga keetiin Waaqayyoof bitte."

-Mul'ata Yohannis 5:9

Kiristoos akkuma nu jaallate, isinis immoo jaalalatti jiraadhaa! Inni aarsaa fooliin isaa tolu, qalma Waaqayyoof dhi'aatus godhee nuuf jedhee dabarsee of kenneera.

-Gara Warra Efesoos 5:2

## **10 DHIIGA KIRISTOOSIIN QULQULLAA'UU**

**Kanaafis amma nuyi dhiiga isaa isa dhangala'-een qajeelota erga taanee, hammam caalaatti isumaan immoo dheekkamsa Waaqayyoo jalaa ooluuf jirra!**

**-Gara Warra Roma 5:9**

**Akka badhaadhummaa ayyaana isaattis Kiristoos dhiiga isaa nuuf dhangalaasuu isaatiin furamuu, dhiifamuu cubbuus qabna.**

**-Gara Warra Efesoon 1:7**

**Akka jirenya keessanii isa abboota keessan irraa isinitti darbee, isa waa'ee hin baafne sana jalaa, wanta badu waan akka meetii yookiis warqeetiin akka hin furamin, isin iyyuu ni beektu. Garuu Kiristoos dhiiga isaa isa gati-jabeessaan, isin fureera; inni akka hoolaa mудaa yookiis xurii hin qabnee ti.**

**-1 Ergaa Phexros 1:18, 19**

**Akka inni ifa keessa jiru, nuyis ifa keessa yoo deddeebine, nuyi walii keenyaa wajjin tokkum-maa qabna, dhiigni ilma isaa Yesuus immoo cubbuu hundumaattii nu qulleessa.**

**-1 Yohannis 1:7**

**Dhiigni Kiristoos isa hafuura bara baraatiin, aarsaa mудaa hin qabne godhee ofii isaa Waa-qayyoof dhi'eesse immoo, isin hojii isa du'atti geessu dhiiftanii, Waaqayyo isa jiraataadhaaf hojjetoota akka taataniif, hammam guddaa caalchisee yaada garaa keessanii haa qulleessu ree?**

**-Gara Ibrootaa 9:14**

**Kana duwwaas miti, gooftaa keenya Yesuus Kiristoosiin amma araara waan qabnuufis Waa-qayyotti gammaduu keenya ni himanna malee.**

**-Gara Warra Roomaa 5:11**

# KIRISTOOSITTI AMANUUDHAAN FAYYUU 11

Isin ayyaana Waaqayyootiin karaa amantii fayyifamtan; inni immoo kennaa Waaqayyoo ti malee, gochaa ofii keessanii miti; hojiidhaanis miti, namni tokko illee akka ittiin of hin janyetti.

-Gara Warra Efesoon 2:8, 9

Kanaafis amantiidhaan qajeelota erga taanee, gooftaa keenya Yesuus Kiristoosiin Waaqayyo bিratti nagaa qabna. -Gara Warra Roomaa 5:1

Kiristoos Yesuusiif amantii jaalalaan hojjetutu gatii qaba malee, dhagna qabachuu yookiis dha-gna qabachuu dhiisuu miti.

-Gara Warra Galaatiyaa 5:6

“Gooftaa Yesuusitti amani, ati ni fayyita....”

-Hojii Ergamootaa 16:31

Sababii namni mucaa Waaqayyoo ta'e hundinuu biyya lafaa mo'uuf, ba'aa ulfaatoo itti hin ta'an; humni ittiin biyyi lafaa mo'amu kunis amantii kee-nya. -1 Ergaa Yohannis 5:4

Isaan immoo, “Egaa hojii Waaqayyoof akka dha-maanuuf maal gochuutu nuuf ta'a?” jedhanii isa gaafatan. Yesuus deebisee, “Isa inni ergetti amanuu keessaniin hojii Waaqayyoo ni hojjettu” jed-heen.

-Wangeela Yohannis 6:28, 29

Isaan kun garuu, Yesuus, Kiristoosicha, ilma Waa-qayyoo ta'uu isaa akka amantaniif, amanachuu keessaniinis maqaa isaatti jirenyaa akka qabaat-taniif caafaman. -Wangeela Yohannis 20:31

**Waaqayyoof, abbaa gooftaa keenyaa Yesuus Kiri-stoos, abbaa araara hundumaaf, Waaqayyo jajja-bina hundumaaf galanni haa ta'u!**

-2 Gara Warra Qorontos 1:3

**Yaa Waaqayyo, Kan akka kee cubbuu namaaf dhiisu eenyu ree? Ati dhuunfaa kee kan ta'an keessa warra hafaniif balleessaa isaanii irra ni darbitaaf; ati gaarummaatti in gammadda malee, dheekkamsa keessa hin ooltu.**

-Macaafa Miikiyaas Raajichaa 7:18

**Gaarummaan kee hamma bantii waaqaa garar-raatti ni guddata, amanamummaan kees hamma duumessaa ni ga'a.** -Macaafa Faarfannaa 108:4

**Araarri Waaqayyoo dhuma waan hin qabneef, gaarummaa isaa irraa kan ka'e badiisa keessa baraaramne. Araarri isaa ganama ganama ni haa-reffama, amanamummaan isaas baay'ee dha.**

-Faaruu Ermiyaas 3:22, 23

**Bantiiwan waaqaa lafa irraa fagaachuun isaanii guddaa akka ta'e, gaarummaan Waaqayyoos akkasuma warra isa sodaataniif guddaa jabaa dha. Gaarummaan Waaqayyoo garuu baraa hamma bara baraatti, warra isa sodaataniif, qajee-lummaan isaas ijoollee ijoollee isaaniitiif itti ni fufa.** -Macaafa Faarfannaa 103:11, 17

**Waaqayyo hojji nuyi qajeelummaadhaan hojje-nneef utuu hin ta'in, akka araara isaatiitti dhiqannaa lammaffaa dhalachuutiin, haaressuu hafuura qulqulluutiiniis nu fayyise.**

-Gara Tiitoos 3:5

**“Kottaa mee walii wajjin dhugaa ni baafnaa cu-bbuun keessan akka dhiigaa yoo isin diimesse iyyuu, akka caabbii ni addaattu, diimaa biluus yoo isin godhe iyyuu, akka jirbii iddamaa adii ni taatu.”**

**-Macaafa Isaayaas Raajichaa 1:18**

**Hafuurichii fi misirrottiin, “Kottu” ni jedhuun, namni kana dhaga’us “Kottu” haa jedhu! Namni dheebote haa dhufu, namni bishaan barbaadus utuu gatii hin baasin bishaan jirenya kennu haa fudhatu!**

**-Mul’ata Yohannis 22:17**

**Waaqayyo, “Isin warri dheebottan hundinuu gara bishaanii kottaa! Warri horii hin qabnes kottaa! Midhaan bitadhaatii nyaadhaha, kottaatii utuu horii itti hin baasin daadhii waynii fi aan-nan bitadhaa!”**

**-Macaafa Isaayaas Raajichaa 55:1**

**Guyyaan dhuma ayyaanichaa guyyoota sana hunduma irra caalaa guddaa ture; guyyaa sana-tti Yesuus ka’ee dhaabatee, sagalee isaa ol fud-hatee, “Namni dheebote yoo jiraate gara koo haa dhufu, haa dhugus.”**

**-Wangeela Yohannis 7:37**

**Yesuus garuu yommuu kana arge aaree, bartoo-ta isaatiin, “Lakkisaa mucooliin gara koo haa dhufan, hin dhowwinaa! Mootummaan Waaqay-yoo warra akkasiitiif ta’a.”**

**-Wangeela Maarqos 10:14**

**Yesuus itti fufee, “Isin warri itti dhamaatanii dadhabdan, ba’aanis kan isinitti ulfaatu hundi-nuu gara koo kottaa; ani boqonnaa isiniifan ke-nna.”**

**-Wangeela Maatewos 11:28**

**14 NAMA TA'ANIIF IJOOLLEE  
WAAQAYYOO TA'U MITI**

**Namni waan qajeelaa hin hojenne, obboleessa isaa hin jaalannes hundinuu, kan Waaqayyoo miti; ijoolleen Waaqayyoo fi ijoolleen seexanaas kanaan ni beekamu.**

**-1 Ergaa Yohannis 3:10**

**Warri hafuura Waaqayyootiin geggeeffaman hundinuu ilmaan Waaqayyoo ti. Hafuurichi isin fudhattan hafuura ilmummaatti guddifamuu ti maa-lee, hafuura garbummaa isa sodaa jalatti isin debisu miti; hafuura kanaanis, "Abbaa Keenya" jennee Waaqayyoon ni waammanna.**

**-Gara Warra Roomaa 8:14, 15**

**Ijoolle Waaqayyoo warra waan ittiin komata-man hin qabne, warra mudaa, haxxummaas hin qabne akka taataniif, isinis dhaloota micciirmaadhaa fi karaa irraa kaate gidduutti biyya la-faa irratti akka ibsaa ni ibsitu.**

**-Gara Warra Filiphisiyyus 2:15**

**Iddoo biraattis immoo, "Isaan keessaa adeemaa, ittii gargar ba'aas; wanta xuraa'aa harkaan hin qabinaa! Anis isinan simadha, jedha gooftaan." Akkasumas immoo, "Ani abbaa isiniif nanta'a, isinis ilmaan koo intaloota koos ni taatu, jedha gooftaan inni hundumaa danda'u."**

**-2 Gara Warra Qorontos 6:17, 18**

**Hamma isa simataniif immoo ijoolle Waaqayyoo akka ta'aniif aboo isaaniif kenne; isaanis warra maqaa isaatti amananii dha.**

**-Wangeela Yohannis 1:12**

# WAA'EE DHUGAATII NAMA MACHEESSUU 15 WAAN SAGALEEN WAAQAYYOO JEDHU

Hojiin foonii mul'ataa dha. Isaanis halalummaa, xuraa'ummaa, jirenya gad-dhiisii, waaqayyolii tolfaman waaqessuu, qoricha namatti gochuu, dii-nummaa, qoccolloo, hinaaffaa, dheekkamsa, ofittummaa, yaadaan gargar ba'uu, barsiisaan gargar cabuu, weennoo, machii, albaadhummamaa, wanta kana fakkaatus. Akkuma ani kanaan dura isinitti himee ture, warri wanta akkasii hoijetan mootummaa Waaqayyootti galuu akka hin dandee-nye ammas isinitti nan hima.

–Gara Warra Galaatiyaa 5:19-21

Kottaa amala keenya tolfannee akka warra ifa guyyaa keessa deddeebi'aniitti jiraanna malee, albaadhummatti yookiis machiitti, halalummaatti yookiis gad-dhiisiitti, nama loluutti yookiis weennootti hin jiraannu. Gooftaa Yesuus Kiristoosiin akka uffata sibiilaatti uffadhaa malee, hawwa namummaa foonii raawwattanii isas gammachiisuudhaaf garaa hin kenninaa!

–Gara Warra Roomaa 13:13, 14

Daadhiin waynii yommuu diimatu, bifni isaas shurrubbee keessa yommuu calaqqisu, yommuu inni miyaa'aa gad lixu si hin gomjaasisin! Innoo erga isa dhuganii booddee akka bofaa nama ni idda, akka hadhaa mar'ataas nama ni miidha.

–Macaafa Fakkeenyaa 23:31, 32

Daadhiin waynii ga'iftuu nama godha, dhugaatii jabaanis nama ni wacisiisa; namni isaaniin macha'ee gatantarus ogeessa miti.

–Macaafa Fakkeenyaa 20:1

## 16 NAMA GAARI TA'UU QOFTI HIN GA'U

Yommus Yesuus deebisee, “‘Waaqayyo kee gooticha garaa kee guutuudhaan, jirenya kee guutuudhaan, yaada kee guutuudhaanis jaallachuu-tu siif ta'a.' Abboommiin hundumaa irra caalu inni duraa isa kana.” -Wangeela Maatewos 22:37, 38

Yesuus adeemuudhaaf karaa irra yommuu bu'u-tti, namichi tokko itti fiigee, fuula isaa durattis jilbeenfatee, “Yaa barsiisaa gaarii! Jirenya bara baraatti galuudhaaf maal gochuutu anaaf ta'a?” jedhee gaafate. Yesuus immoo, “Maaliif gaarii naan jetta? Waaqayyo isa tokkicha duwwaa malee, namni gaariin tokko illee hin jiru. Abboommiin, ‘Hin ajjeesin, hin ejjin, hin hatin, sobaan nama irratti dhugaa hin ba'in, gowwoomsaadhaan hin fudhatin, abbaa kee fi haadha keef ulfina kenni! akka jedhu ni beekta” jedheen. Namichi immoo deebisee, “Barsiisa! kana hundumaa ijoollummaa kootii jalqabee raawwadheera” jedheen. Yesuus ilaalee isa jaallatee, “Waan tokkotu si duraa hir'ata. Dhaqii, waan qabdu gurgurii, warra deegaadhaafis kenni, waaqa irratti badhaadhummaa ni qabaatta; isa booddee immoo kot-tuu ana duukaa bu'i”! jedheen. Namichi kana yommuu dhaga'e qabeenya guddaa qaba waan tureef, bifni isaa geddaramee, gaddees achii adeeme.

-Wangeela Maarqos 10:17-22

Karaan qajeelaa namatti fakkaatu jira, dhunni isaa garuu karaa du'aa ti.

-Macaafa Fakkeenyaa 16:25

Waaqayyo kan itti ga'isan miti'oo, hin gowwoominaa! Namni immoo waanuma facaase ni galfta.  
—Gara Warra Galaatiyaa 6:7

Yaa ijoollee ko, homtinuu karaa irraa isin hin kaachisin! Inni sun qajeelaa akka ta'e, namni waan qajeelaa hojjetu qajeelaa dha. Seexanni jalqabaa jalqabee cubbuu waan hojjeteef, namni cubbuu hojjetu kan seexanaa ti.

—1 Ergaa Yohannis 3:7, 8a

Egaa warri jal'oонни mootummaa Waaqayyootti akka hin galle hin bektanii ree? Hin gowwoominaa! Warri halaleen, warri waaqayyolii tolfa-man waaqessan, warri ejjan, warri gadhaa'an, warri nama gadhoomsanis, warri hatan, warri sassatan, warri machaa'an, warri maqaa namaa balleessan, warri nama saamanis matumaa mootummaa Waaqayyootti hin galan.

—1 Gara Warra Qorontos 6:9, 10

Sababii wanta kana hundumaatiif dheekkamsi Waaqayyoo warra isaaf hin abboomamne irratti ni dhufa; homtinuu dubbii hundee hin qabneen isin hin gowwoomsin! —Gara Warra Efesoos 5:6

Warra dubbicha hojji irra oolchan ta'aa malee, warra dhaga'uu duwwaadhaan of gowwoomsan hin ta'inaa!  
—Ergaa Yaaqoob 1:22

Namni waanuma tokkoof dhimma kan hin baa-fne ta'ee utuu jiruu, nama dhimma baasu yoo of se'e inni of ni gowwoomsa.

—Gara Warra Galaatiyaa 6:3

"Baay'een, 'Ani Masiihii dha' jechaa maqaa koo-tiin ni dhufu, namoota baay'ees ni wallaalchisu."

—Wangeela Maateewos 24:5

Egaa cubbuun karaa nama tokkoo biyya lafaatti  
akkuma dhufe, duunis karaa cubbuu akka gale,  
akkasumas namoonni hundinuu waan yakkaniif  
duuni sanyii namaa hundumaa wal ga'e.

-Gara Warra Roomaa 5:12

Kajeellaan hamaan erga iddo ga'ee cubbuu ni  
dhala; cubbuunis erga raawwatamee du'a ni dha-  
la.

-Ergaa Yaaqoob 1:15

Yaada ofii fedha fooniitti hidhuun du'a ni fida;  
yaada ofii fedha hafuuraatti hidhuun garuu, ji-  
reenya, nagaas ni fida. Akka fedha fooniitti yaa-  
duun diina Waaqayyoo nama godha; yaadni akka-  
sii seera Waaqayyootii wajjin walii hin galu; isaaf  
abboomamuus hin danda'u.

-Gara Warra Roomaa 8:6, 7

“Lubbuun isa cubbuu hoijetuu haa du'u! Ilmi  
yakka abbaa hin baatin! Abbaanis yakka ilmaa  
hin baatin! Qajeelinni nama qajelaa isumaaf haa  
lakkaa'amu! Jal'inni nama jal'aas isuma irraa  
haa barbaadamu!”

-Macaafa Hisqi'el Raajichaa 18:20

“‘Amma garuu obboleessi kee kun du'ee kan  
ture deebi'ee waan jiraateef, badees kan ture  
waan argameef cidha godhachuunii fi gamma-  
duun nuuf ni ta'a' jedhee deebiseef” jedhe.

-Wangeela Luqaas 15:32

Qajeelummaan gara jirenyatti, wanta hamaa  
duukaa bu'uun garuu gara du'aatti nama ni gee-  
ssa.

-Macaafa Fakkeenyaa 11:19

**Akka qulqullummaa isaa isa hafuuraatti immoo, warra du'an keessaa ka'uudhaan Yesuus Kiri-stoos gooftaan keenya ilma Waaqayyoo ta'uun isaa humnaan beeksifameera.** -Gara Warra Roomaa 1:4

Kana jedhee sagalee guddaadhaan, "Alaazaar as ba'i!" jedhee waame. Kanaaf namichi du'ee ture sun awwaalicha keessaa gad ba'e; miilla isaa lamaanii fi harka isaa lamaanitti wayyaan hidhamee, fuula isaattis uffanni maramee ture. Yesuus, "Irraa hiikaatii gad dhiisaa! Haa dhaqu!" jedhee isaan abboome. -Wangeela Yohannis 11:43, 44

**"Lubuu koo deebisee fudhachuudhaaf dabarsee waanan kennuuf, abbaan koo na jaallata. Homtinuu lubbuu koo na duraa hin fudhatu, anumatu ofii kootiin kenna malee. Ani lubbuu koo dabarsee kennuudhaaf, ammoo deebisee fudhachuudhaaf abboo qaba; abboommii kana immoo abbaa koo biraan fudhadhe"** jedhe.

-Wangeela Yohannis 10:17, 18

**Itti hiiqee siricha harkaan qabnaan, warri baatan ni dhaabatan; inni immoo, "Dargaggeessa nana, siin nan jedha ka'i!" jedheen. Achumaan inni du'ee ture ol jedhee taa'ee, dubbachuus jalqabe.**

-Wangeela Luqaas 7:14, 15a

**"Inni jiraatus ana. Takka illee du'een ture, amma garuu kunoo, baraa hamma bara baraatti jiraachuuttan jira; du'a irratti, balbala iddo warra du'anii banu irrattis ani gooftummaa qaba."**

-Mul'ata Yohannis 1:18

**Hundumaa booddee diina keenya du'atu golgo-leeffama.**

-1 Gara Warra Qorontos 15:26

**“[Waaqayyo gooftaan,] ‘waaqayyolii kan biraan tokko illee ana biratti hin qabaatin!**

**‘Bifa qirixame, fakkeenya wanta ol waaqa irra jiruu, gad lafa irra jiruu yookiis bishaan keessa lafa jala jiruu hin tolfatin! Ati bifaa fakkeenyaan kanaaf hin sagadin....**

**‘Waaqayyo nama akkasumaan maqaa isaa dha’u adaba malee waan hin dhiifneef, ati maqaa Waaqayyoo gooftaa keetii akkasumaan hin dha’in!**

**‘Waaqayyo gooftaan kee akka si abboometti, guyyaa Sanbataa qulqullinatti eegi! Guyyaa ja’a hojji kee hojjedhu....**

**‘Akkuma Waaqayyo gooftaan kee si abboometti abbaa kee fi haadha keef ulfina kenni!**

**‘Hin ajjeesin!**

**‘Hin ejjin!**

**‘Hin hatin!**

**‘Nama irratti sobaan dhugaa hin ba’in!**

**‘Haadha manaa namaa duraa fudhachuudhaaf hin hawwin; mana namaa, maasii isaa, hojjetaa isaa, hojjettuu isaa, qotiyyoo isaa, harree isaa yookiis waanuma kan isaa ta’e duraa fudhachuudhaaf hin hawwin!””**

**“Iji isaa gara karaa namaa ni ilaala, tarkaanfii isaa hundumaas ni arga. Halkanii fi dukkanni sodaachisaan, lafti warri hamaa hojjetan dhokatan hin jiru.”**

-Macaafa Iyoob 34:21, 22

**“Bantii waaqaa keessatti, lafa irratti, iddo hundumaattis waanan argamuuf namni suqaa keessa yoo dhokate ani isa hin arguu ree?”**

-Macaafa Ermiyaas Raajichaa 23:24

**Hafuura kee duraa eessan dhaqa? Fuula kee durraas eessattan baqadha? Bantii waaqaatti yoon ol ba'e, ati achittis immoo ni argamta! Dukkanni iyyuu si duratti hin dukkanaa'u, halkan akkuma guyyaa ni ifa; dukkanni immoo akkuma ifaa ni ta'a.**

-Macaafa Faarfannaa 139:7, 8 fi 12

**Iji Waaqayyoo iddo hundumaa jira, isa hamaa fi isa gaarii ni arga.**

-Macaafa Fakkeenyaa 15:3

**Wanti Waaqayyo uume tokko illee isa duraa dhokachuu hin danda'u; wanti hundinuu saaqamaa ija isaa durattis mul'ataa dha; nus waan goone sababii isaa wajjin isatti himuun nu irra jira.**

-Gara Ibrootaa 4:13

**Waan tokko illee dhokatee utuu hin mul'atin kan hafu hin jiru, dhoksaatti kan eegames bakkeetti ba'ee utuu hin dhaga'amin kan hafu hin jiru.**

-Wangeela Luqaas 8:17

## **22 DHEEKKAMSI BARA BARAA WARRA WAAQAYYO MALEE JIRAATU IRRATTI BARA BARAA**

**“Ilmi namaa ergamoota isaa ni erga; isaanis karaa Waaqayyoo irraa waan nama gufachiisu hundumaa, warra hamaa hojjetan hundumaas mootumaa isaa keessaa walitti ni qabu, boolla ibiddaattis isaan ni darbatu. Achitti boo’ichii fi ilkaan qaruun isaan irra ni ga’a.”**

**-Wangeela Maatewos 13:41, 42**

**Warri jal'oонни gara iddo lafa jalaatti gad haa bu'an, lafa irraa warri Waaqayyoon irraanfatanis akkasuma gad haa lixan.**

**-Macaafa Faarfannaa 9:17**

**Bantiiwan waaqaa fi lafti, warri amma jiran kun immoo sagalee Waaqayyoo sanaan ibiddaan balleeffamudhaaf qopheeffamanii, hamma guyyaa warri Waaqayyo malee jiraatan firdii argatanii badaniitti kaa'amani jiru. –2 Ergaa Phexros 3:7**

**Isaan kun argaa gooftaa duraa, ulfina aangoo isaa duraas fageeffamanii badiisa bara baraatiin ni adabamu. –2 Gara Warra Tasaloniiqee 1:9**

**“Harki kee yookiis miilli kee yoo si gufachiise, of irraa murii gati; harka lama yookiis miilla lama qabaattee ibidda bara baraatti darbatamuu kee mannaa, bu'aan dhagna keetii hir'uu ta'ee, yookiis hokkolaa taatee jireenyatti galuu siif wayya.”**

**-Wangeela Maatewos 18:8**

**“Isaan gara adaba bara baraa, warri qajeelonni garuu gara jirenyaa bara baraa ni dhaqu” jedhe.**

**-Wangeela Maatewos 25:46**

**“Guyyaa itti harka nama fo’ate sanaatiin, biyya lafaatti qajeeltootti faraduuf jedhu, muree kaa’-eera; namicha fo’ate sana du’aa kaasuu isaatiin, kana nama hundumaaf cimseera” jedhe.**

-Hojii Ergamootaa 17:31

**Egaa gooftichi, namoota Waaqayyoof bulan qo-rama keessaa baasuu, warra jal’ootaa immoo ha-mma guyyaa firdiitti adabaaf kaa’uu ni beeka.**

-2 Ergaa Phexros 2:9

**Namni adduma addaan dhagna isaa kanatti utuu jiruu gaariis ta’e hamaas ta’e, akkuma hoj-jetetti waan isaaf ta’u akka argatuuf, nuyi hun-dumti keenya barcuma firdii Kiristoos durattti dhi’aachuuf jirra. -2 Gara Warra Qorontos 5:10**

**Biyya lafaa kana keessatti akkuma Kiristoos ji-raatetti jiraachuu keenyaan guyyaa firdiif ija-ja-bina qabna; kanaan guyyaa jaalalli Waaqayyoo nu biratti fixaan ba’uu isaa ti.**

-1 Ergaa Yohannis 4:17

**Namoonni al tokko du’uuf kaa’amaniiru; isa booddee immoo firdiitti ni dhi’aatu.**

-Gara Ibrootaa 9:27

**Warra du’anis xinnaa fi guddaa teessicha dura utuu dhaabatanii nan arge. Macaafonni ni bana-man; macaafni bira, inni warri jirenya arga-chuuf jiran itti caafaman tokkos ni baname; warri du’an immoo akka hojii dur hojjetaniitti, akka isa macaafota keessatti caafameettis firdii argatan.**

-Mul’ata Yohannis 20:12

**Kanaafis nu keessaa hundumtinuu adda addaan waan godhe sababii isaa wajjin Waaqayyotti himuuf jira.**

-Gara Warra Roomaa 14:12

Kennaan Waaqayyo tola kenne garuu, akka irradaddarbaa sanaa miti. Namoonni baay'een irradaddarbaa nama tokkootiin yoo du'an, ayyaanni Waqayyoo fi kennaan tolaa inni isa irra guddaa caalu immoo Yesuus Kiristoos namicha tokkicha sanaan, namoota baay'eedhaaf ni argama.

-Gara Warra Roomaa 5:15

Kanaafis kun akka araara Waaqayyootti malee, akka jaalala yookiis dhama'a namaatti miti.

-Gara Warra Roomaa 9:16

**“Waaqayyo warra kooraan ol of qabaniin ni morma, warra gad of deebisaniif immoo ayyaana ni kenna” ni jedha.**

-1 Ergaa Phexros 5:5b

**Isinoo gaarummaa gooftaan keenya Yesuus Kiristoos ayyaana isaatiin isiniif kenne hubattaniittu; inni badhaadhaa utuma jiruu deegaa ta'uu isaatiin isin badhaasuudhaaf isiniif jedhee deegaa ta'e.**

-2 Gara Warra Qorontos 8:9

**Garuu lafa irra daddarbuun baay'atetti immoo ayyanni Waaqayyoo caalaatti baay'ate. Akkuma cubbuun karaa du'aa mo'e, ayyaannis karaa gooftaa keenya Yesuus Kiristoos gara jirenyaa bara baraatti nu geessuudhaaf qajeelummaadhaan ni mo'a.**

-Gara Warra Roomaa 5:20b, 21

**Ergamoonnis humna guddaa argisiisuudhaan du'aa ka'uu gooftaa Yesuus dhugaa ba'an; ayyaan guddaas qabu turan.**

-Hojii Ergamootaa 4:33

**“Bara wallaaluma isaanii Waaqayyo namootatti lakkaa’uu dhiiseera; amma garuu namni hundinuu iddo hundumaatti yaada garaa isaa akka geddaratu abboomeera.”** -Hojii Ergamootaa 17:30

**“Waawuu, ani isinittan hima, hundumti keessan yoo yaada garaa keessanii geddarachuu dhaabaa-ttan akkuma kanatti ni dhumtu.”**

-Wangeela Luqaas 13:3

**“Mootummaan Waaqaa dhi’ateeraatii yaada garaa keessanii geddaradhaa!”** jedhe.

-Wangeela Maatewos 3:2

**Phexros immoo, “Yaada garaa keessanii geddaradhaa; cubbuun keessan akka isiniif dhiifamuuf, tokkoon tokkoon keessan maqaa Yesuus Kiristoo-sitti cuuphamaa; kennaa Hafuura Qulqulluus ni fudhattu. Egaa yaada garaa keessanii geddaradhaa, inni cubbuu keessan akka isiniif haxaa’utti gara Waaqayyootti deebi’aa.”**

-Hojii Ergamootaa 2:38; 3:19

**“Irra-daddarbaa ittiin yakkitan hundumaa of irraa gataa.”** -Macaafa Hisqi’el Raajichaa 18:31a

**Namni irra-daddarbaa isaa dhokfatu, hin hiiqu; namni irra-daddarbaa isaa himatu, kan dhiisus garuu araara ni argata.**

-Macaafa Fakkeenyaa 28:13

**Akka Waaqayyo biratti fudhatamutti gadduun, yaa-da garaa geddarachuu fida; inni immoo gara fayyi-naatti geessa malee, nama hin gaabbisiisu; akka biyya lafaa keessatti fudhatamutti gadduun garuu du’a fida.**

-2 Gara Warra Qorontos 7:10

“Garuu namni jal’aan cubbuu hojjete hundumaa irraa deebi’ee seerrata koo hundumaa yoo eeg, wanta dhugaa fi qajeelaa yoo hojjete, inni dhugumaan ni jiraata malee, hin du’u.”

—Macaafa Hisqi’el Raajichaa 18:21

Namni jal’aan karaa isaa isa jal’aa haa dhiisu, namni hamaanis yaada isaa isa hamaa irraa haa deebi’u! Gara Waaqayyo keenyaa isa araarri isaa gudaa ta’eetti haa deebi’u, innis isa ni maara.

—Macaafa Isaayaas Raajzichaa 55:7

“Namootaaf irra-daddarbaa isaanii yoo dhiiftaniif, abbaan keessan inni waaqa irraa immoo isiniif ni dhiisa.” —Wangeela Maatewos 6:14

Yesuus amantii jarreen kanaa yommuu arge, namicha isa dhagni isaa gar tokko du’een, “Ilma koo, cubbuunkee hundinuu siif dhiifameera” jedhe. —Wangeela Maarqos 2:5

“Kanaafis karaa Yesuus isa du’aa ka’e kanaan dhiifamuun cubbuu isinitti ni lallabama. Waaqayyo geddarannaayada garaatii fi dhiifamuun cubbuu Israa’eliif kennuudhaaf, abboomaa fayyi-saas godhee gara mirga isaatti ol isa fuudheera.”

—Hojii Ergamootaa 13:38; 5:31

“Kunoo, ani balbala dura dhaabadhee balbala nan rukuta; namni sagalee koo dhaga’ee balbala yoo anaaf bane, ani ol nan lixa, isaa wajjinis maa-ddiitti nan dhi’aadha, innis anaa wajjin ni nyatta.” —Mul’ata Yohannis 3:20

“Yaada garaa geddarachuunii fi dhiifamuun cubbuu maqaa isaatiin Yerusaalemii jalqabee saba lafa irraa hundumaatti akka lallabamuuf jiru, caafameera.” —Wangeela Luqaas 24:47

Waaqayyo ayyaana isaa isa nama hundumaaf fayyina kenu mul'iseera. Ayyaanni Waaqayyoo kunis, nuyi Waaqayyo malee jiraachuu, kajeellaa biyya lafaa isa hamaas gannee, bara kana keessa of qabuutti, qajeelinatti, namoota Waaqayyoo taa-ne akka jiraannuuf gorsee, gara gaariitti nu dee-bisa.

-Gara Tiitoos 2:11, 12

Yaada garaa keessanii wanta waaqa irra jirutti hidhaa malee, wanta lafa irra jirutti hin hidhinaa!

-Gara Warra Qolosaayis 3:2

Hojii dukkanaa, isa wanti dhimma baasu keessaa hin baane, bakkeetti baasaa malee, ittii hin hirmatinaa!

-Gara Warra Efesoon 5:11

Biyya lafaa yookiis waan biyya lafaa jaallachuutti hin hidhaminaa; namni tokko biyya lafaa jaallachuutti yoo hidhame, Waaqayyo abbaa jaallachuun isa keessa hin jiru. Wanti biyya lafaa keessa jiru hundinuu, hawwiin foonii, hawwiin ijaas, jireenyaan kooruunis biyya lafaa keessaa ba'a malee, abbaa biraa hin ba'u.

-1 Ergaa Yohannis 2:15, 16

Isin namoota garagaggaltuu nana! Biyya lafaatti michoomuun diina Waaqayyoo akka nama godhu hin beektanii ree? Namni michuu biyya lafaa ta'uu barbaadu, diina Waaqayyoo of ni go-dha.

-Ergaa Yaaqoob 4:4

"Dhiqadhaa of quleessaa, hojii keessan isa hamaa ija koo duraa balleessaa, hamaa gochuu dhiisaa!"

-Macaafa Isaayaas Raajichaa 1:16

**“Ani garaa haaraa isiniif nan kenna, hafuura haaraas isin keessa nan kaa’aa; ani garaa isa akka dhagaa sana isin keessaa nan baasa, garaa isa akka fooniis isiniif nan kenna.”**

–Macaafa Hisqi’el Raajichaa 36:26

**Inni qajeelaa ta’uu isaa erga beektanii, namni waan qajeelaa hojjetu hundinuu immoo mucaa Waaqayyoo ta’uu isaa hubachuu ni dandeessu. Namni mucaa Waaqayyoo ta’e cubbuutti qabamee akka hin jiraanne ni beekna; ilmi Waaqayyoo isa ni eega, inni hamaanis isa hin tuqu.**

–1 Ergaa Yohannis 2:29; 5:18

**Isin keessaa kaan warra akkasii turan, garuu maqaa gooftaa Yesuus Kiristoosiin, hafuura Waaqayyo keenyaatiini cubbuuttii dhiqattaniittu.**

–1 Gara Warra Qorontos 6:11

**Yesuus, “Dhuguma, dhuguman sitti hima, eenyu illee olii yoo dhalachuu dhaabaate, mootummaa Waaqayyoo arguu iyyuu hin danda’u” jedhee deebiseef.**

–Wangeela Yohannis 3:3

**Kanaafis namni kan Kiristoos yoo ta’e, uumama haaraa dha, inni moofaan darbe, kunoo, inni haaraan dhufeera.**

–2 Gara Warra Qorontos 5:17

**Isin sanyii baduttii utuu hin ta’in, sanyii hin badnettii sagalee Waaqayyoo isa jiraataa fi isa akka jirutti hafuun, haaraa taatanii dhalattaniittu.**

–1 Ergaa Phexros 1:23

Isin kanaan dura irra-daddarbaa keessanii fi cubbuu keessaniin [karaa hafuuraal] duutanii turtan. Karaa Kiristoos Yesuus isumaa wajjin du'aa nu kaase, isumaa wajjin bantii waaqaa keessaa iddo nuuf kenne, nu teessises.

—Gara Warra Efesoon 2:1 fi 6

“Nuyi cubbuu jalaa duunee qajeelinaaf akka jiraannuuf, inni ofii isaatii cubbuu keenya dhagna isaatiin baatee fannootti ol ba'e; madaa'uu isaatiin isin ni fayyifamtan.” —1 Ergaa Phexros 2:24

Egaa Kiristoosii wajjin du'aa erga kaafamtanii, wanta waaqa keessaa, iddo Kiristoos gara mirga Waaqayyoo taa'ee jirutti barbaadaa! Yaada garaa keessanii wanta waaqa irra jirutti hidhaa malee, wanta lafa irra jirutti hin hidhinaa! Isin duutaniittu; jireenyi keessan Kiristoosii wajjin Waaqayyo keessa dhokateera. Kiristoos inni jireenya nuuf ta'e yommuu mul'atu isinis immoo isaa wajjin ulfinaan mul'achuuf jirtu.

—Gara Warra Qolosaayis 3:1-4

Warri kan Kiristoos Yesuus ta'an immoo yaada foonii, hawwa isaa, fedha isaas fannisanii. Nuyi jireenya hafuuraatti yoo jiraanne, hafuura kana duukaa bu'uu keenya.

—Gara Warra Galaatiyaa 5:24, 25

Kun matumaa hin ta'u! Nuyi warri cubbuu jalaa duune, si'achi attamitti cubbuu jala jiraanna ree? Isinis immoo akkasuma akka warra cubbuu jalaa du'anii, karaa Kiristoos Yesuus Waaqayyoof jiraataniitti of lakkaa'aa!

—Gara Warra Roomaa 6:2 fi 11

Namni akka yaada foon isaatiitti facaasu, yaa-da foon isaatii sana irraa badiisa ni galfata; akka yaada hafuuraatti kan facaasu immoo yaada ha-fuuraa irraa jireenya bara baraa ni galfata.

-Gara Warra Galaatiyaa 6:8

“Museen lafa onaa keessatti bofa sibiila diimaa muka irratti akka ol fuudhe, ilmi namaas immoo akkasuma muka irratti ol fuudhamuuun ni ta'a. Kunis ilma namaatti kan amanu hundinuu jiree-nya bara baraa haa qabaatuuf ta'a.”

-Wangeela Yohannis 3:14, 15

“Si Waaqayyo isa tokkicha, isa dhugaa, Yesuus Kiristoosiin isa ati ergites beekuun isaanii jiree-nya bara baraa ti.” -Wangeela Yohannis 17:3

“Namni ilma Waaqayyootti amanu, jireenya ba-ra bara qaba; ilma Waaqayyoof kan hin abboo-mamne garuu jireenya hin argatu, dheekkamsa Waaqayyootu isa irratti hafa malee” jedhe.

-Wangeela Yohannis 3:36

“Dhuguma, dhuguman isinitti hima, dubbii koo dhaga'ee isa ana ergetti kan amanu jireenya ba-ra bara qaba; inni du'a keessaa gara jireenyaat-ti darbe malee, gara firdii hin dhaqu.”

-Wangeela Yohannis 5:24

Nu waamuun isaas akka akeeka isaatii fi akka ayyaana isaa isa durii durii jalqabee karaa Kiri-stoos Yesuus nuuf kenneetti malee, akka hojii kee-nyaatti miti. Amma garuu ayyaanni isaa dhufa fayyisaa keenyaa Kiristoos Yesuusiin nutti mul'i-fameera; inni humna du'aa cabsee, jireenya, ba-diisa ooluus karaa wangeelaa ifatti baase.

-2 Gara Ximotewos 1:9b, 10

**Hafuurri Waaqayyoo hafuura keenyaa wajjin walii galee, ijoolle Waaqayyoo ta'uu keenya dhugaa ni ba'a.**      -Gara Warra Roomaa 8:16

**Waaqayyo jirenya bara baraa nuuf kenne; egaa dhugaan isaa isa kana; jireenyi bara baraa kunis ilma isaa keessatti argama. Namni ilma Waaqayyoo qabaatu jireenyicha qaba; namni ilma Waaqayyoo hin qabaanne, jireenyicha hin qabu. Isin warri maqaa ilma Waaqayyootti amantan, jirenya bara baraa qabaachuu keessan akka bee-ktaniifan kana hundumaa isiniif caafe.**

-1 Ergaa Yohannis 5:11-13

**“Namni abboommii koo qabu, inni isa raawwatus, isa, kana jaallatu; nama na jaallatu immoo abbaan koo isa jaallachuuf jira, anis isa nan jaal-ladha, ofii koos isatti mul’isuufan jira” jedhe.**

-Wangeela Yohannis 14:21

**Iddoo qajeelummaan jiru nagaan jira, iji qajee-lummaa bir’aa malee gabiiitti jiraachuu dha.**

-Macaafa Isaayaas Raajichaa 32:17

**Isin ilmaan isaa ta'uu keessan argisiisuudhaaf, Waaqayyo hafuura ilma isaa isa, “Abbaa abbaa” jedhee waammatu garaa keenya keessatti erge.**

-Gara Warra Galaatiyaa 4:6

**Inni hafuura ofii isaatii irraa waan nuuf ken-neef, nuyi isa keessa, innis nu keessa akka jiraatu ni hubanna.**      -1 Ergaa Yohannis 4:13

**Abboommii isaa eeguudhaan isa beekuu keenya ni hubanna.**      -1 Ergaa Yohannis 2:3

## **32 KIRISTOOS KEESSA KEENYA SI'A BULU GAMMACHUU NUUF KENNA**

**“Amma garuu gara kee nan dhufa, isaan immoo gammachuun koo guutummaatti akka qabaataniif, dubbii kana biyya lafaa keessatti nan dubbadha.”**

**-Wangeela Yohannis 17:13**

**“Garaan keessanis ni gammada, gammachuun keessanis eenyu illee isin duraa hin fudhatu.”**

**-Wangeela Yohannis 16:22b**

**Isin gammachuudhaan burqaa fayyinaa kees-saa, bishaan ni waraabbattu.**

**-Macaafa Isaayaas Raajichaa 12:3**

**“Egaa si'achi Kiristoos isa ana keessaatu jiraata malee, anatu jiraata miti; jirenya ani amma fooniin jiraadhu immoo, ilma Waaqayyoo isa na jaallate, ofii isaas dabarsee isa anaaf kennetti amanuudhaan nan jiraadha.”**

**-Gara Warra Galaatiyaa 2:20**

**“Gammachuun koo isin keessatti akka argamuuf, gammachuun keessanis guutuu akka ta'u-ufan kana hundumaa isinitti dubbadhe.”**

**-Wangeela Yohannis 15:11**

**Ati karaa jirenyatti nama geessu na barsiifta, guutummaan gammachuu fuula kee dura; wanti namatti tolus immoo bara hundumaattuu mirga kee jira.**

**-Macaafa Faarfanna 16:11**

**Isin isa mul'achuuf jiru sana hin argine yoo ta'e iyyuu, isa ni jaallattu; amma yoo isa arguu dhaabattan iyyuu, isatti ni amantu akkasumas gammachuu akkas jedhamee hin dubbatamnee fi gammachuu guddaa qabuun ni gammaddu.**

**-1 Ergaa Phexros 1:8**

**“Isin garuu dubbii Waaqayyoo dhaggeeffachuu diddanii, sagalee isaa irratti yoo kaatan, Waaqayyo abboota keessan irratti harka isaa akkuma ol fudhate isin irrattis ol ni fudhata.”**

**-Macaafa Saamu'eel Isa Duraa 12:15**

**Waan tokko of irratti gooftaa godhattanii harka isaa jala yoo of galchitan, isin wanta sanaaf garba akka taatan hin beektanii ree? Cubbuudhaaf yoo abboomamtan du'aaf, Waaqayyoof yoo abboomamtan qajeelinaaf ni bultu.**

**-Gara Warra Roomaa 6:16**

**Isin warra rakkachaa jirtan immoo gaafa gooftaa Yesuus ergamoota aangoo isaa wajjin waaqa irraa mul'atu nuyii wajjin kana jalaa isin ni baasa. Gooftichi ibidda boba'aa wajjin ni mul'ata; gaafas warra Waaqayyoon beekuu hin barbaadin, warra wangeela gooftaa keenya Yesuusiif hin abboomaminis ni adaba. Isaan kun argaa gooftaa duraa, ulfina aangoo isaa duraas fageeffamani badiisa bara baraatiin ni adabamu.**

**-2 Gara Warra Tasalaniiqee 1:7-9**

**“Ilaa! Ani har'a eebbaa fi abaarsa si dura nan kaa'a. Abboommii Waaqayyo gooftaa keetii isa ani har'a si abboomu kana yoo eegde, kun eeba siif ta'a; abboommii Waaqayyo gooftaa keetii yoo eeguu dhaabaatte, karaa isaa isa ani har'a si abboomu kana irraas yoo jal'atte, waaqayyoolii biraan warra dur hin beekne duukaas yoo buute, kun abaarsa sitti ta'a.”**

**-Seera Keessa Deebii 11:26-28**

**Arrabni hundinuu, ulfina Waaqayyoo abbaati-if, Yesuus Kiristoos gooftaa akka ta'e beeksisuuf jiru.**

-Gara Warra Filiphisiiyus 2:11

**Itti fufees Yesuus, "Eenyu illee namoota duratti eenu akkan ta'e dhugaa ba'ee yoo mul'ise, anis abbaa koo isa waaqa irra jiru duratti dhugaa nan ba'aaf. Eenyu illee namoota duratti yoo na gane garuu, anis immoo abbaa koo isa waaqa irra jiru duratti isa nan gana" jedhe.**

-Wangeela Maatewos 10:32, 33

**Hafuurri, Yesuus Kiristoos fooniin dhufuu isaa amanatee beeksisu hundinuu kan Waaqayyoo ti; kanaanis hafuura Waaqayyoo; ta'uu isaa ni hubattu.**

-1 Ergaa Yohannis 4:2

**Namni Yesuus ilma Waaqayyoo ta'uu isaa amanee yoo beeksise, Waaqayyo isa keessa, innis Waaqayyo keessa ni jiraata.**

-1 Ergaa Yohannis 4:15

**Yesuus gooftaa akka ta'e afaan keetiin yoo beeksifte, Waaqayyo du'aa akka isa kaase immoo garaa keetti yoo amante fayyina bara baraa ni argatta. Namni garaa isaatti amanee qajeelaa ta'a, afaan isaatiinis beeksisee ni fayya.**

-Gara Warra Roomaa 10:9, 10

**Namni ilmicha ganu abbichaa wajjin firooma hin qabu; ilmicha amanachuu isaa kan beeksisu immoo abbichaa wajjinis firooma qaba.**

-1 Ergaa Yohannis 2:23

**"Eenyu illee anatti, dubbii koottis yoo yeella'e, ilmi namaa ulfina isaatti, kan abbaa isaatti, kan qulqulloota ergamootaattis yommuu dhufu, isatti ni yeella'a."**

-Wangeela Luqaas 9:26

Of qabaa, dammaqaas! Seexanni hamajaajiin keessan akka leenci yeroo beela'utti aadaa naanna'utti nama liqimsuu barbaadee ni naanna'a. Dhiphinni sanyiin isa kan keessanii kun, obbo-loota keessan warra guutummaa biyya lafaa keessa jiraatanitti akka dhufu beekaatii, warra amantiitti jabaattan ta'aa, seexanaan mormaas!

-1 Ergaa Phexros 5:8, 9

Ergasii Yesuus seexanaan qoramuudhaaf, ha-fuura qulqulluudhaan gara lafa onaatti geeffa-me. Yommus Yesuus immoo, "Seexana nana, argaa koo duraa turi! 'Waaqayyo kee gooftichaaf jilbee-nfattee sagadi isa duwwaafis hojjedhu' kan jedhu caafameera" jedheen. Ergasii seexanni isa dhiise, ergamoonni Waaqayyoos dhufanii isaaf ni ergaman.

-Wangeela Maatewos 4:1 fi 10, 11

Kanaa achi, gooftaatti humna isaa isa aangoo-qabeessattis jabaadhaa. Haxxummaa seexanaatiin mormuu akka dandeessanitti, mi'a lolaa isa kan Waaqayyoo guutummaatti hidhadhaa!

-Gara Warra Efesoon 6:10, 11

Mi'i waraanaa keenya mi'a da'oo jajjabaa jigsu-udhaaf Waaqayyoof hojjechuu danda'u dha ma-lee, mi'a namni foonii ittiin hojjetu miti; yaada amansiisa hin qabne isa nama wallaalchisuuf qo-phaa'es ni diiga.

-2 Gara Warra Qorontos 10:4

...Jalqabumaa jalqabee inni sun [seexanni] na-ma ajjeesaa ture; dhugaan isa keessa waan hin jirreef, inni dhugaa irra hin dhaabanne. Inni so-baa dha, abbaa sobaa tis....

-Wangeela Yohannis 8:44

Ijoollonni kun foonii fi dhiiga akkuma ta'an, inni "Obboloota koo" jedhee isaan waamu kunis akkuma isaanii ta'e; du'a isaatiin seexana isa humna du'aa qabu balleessuudhaaf nama ta'e.

-Gara Ibrootaa 2:14

Seexanni jalqabaa jalqabee cubbuu waan hoj-jeteef, namni cubbuu hojjetu kan seexanaa ti, ilmi Waaqayyo immoo hojii seexanaa diiguud-haaf mul'ate.

-1 Ergaa Yohannis 3:8

"Dukkanatii gara ifaatti, aangoo seexanaa ja-laas gara Waaqayyootti haa deebi'aniif, ija isaanii ni banta; anatti amanuudhaanis dhiifamuu cubbuu isaanii argatanii, warra qulqullaa'an gidduu-ttis dhaala isaanii haa fudhataniif sin erga' aan-aan jedhe."

-Hojii Ergamootaa 26:18a

Eenyetu jaalala Kiristoosittii gargar nu baasa? Gidiraan yookiis muddamni, ari'atamuun, beelli yookiis qullaa ta'uun, sodaachifamuun yookiis billaan gargar nu baasuu danda'aa ree? Waan nu irra ga'e hundumaatti garuu, karaa isa nu jaal-latee mo'icha guddaa arganna.

-Gara Warra Roomaa 8:35 fi 37

Yoos harka Waaqayyoo jala of galchaa; Seexa-naan immoo mormaa! Innis isin dhiisee ni baqata. Waaqayyotti dhi'aadhaa, innis isinitti ni dhi'aata.

-Ergaa Yaaqoob 4:7 fi 8a

Yeroon firdii biyya lafa kanaa amma, inni ha-maan biyya lafaa kana seerratus amma gad ni ga-tama.

-Wangeela Yohannis 12:31

Afaan namoonni yookiis afaan ergamoonni Waa-qayyoo dubbataniin dubbadhee, jaalala yoon qabaachuu dhaabaadhe, ani akka sibiila kililchuu yookiis dibbee kosh kosh jedhuun ta'e.

-1 Gara Warra Qorontos 13:1

Iji hojii hafuraa immoo, jaalala, gammachuu, nagaa, obsa, gaarummaa, arjummaa, amanamummaa, garraamummaa dha, of dhowwuu dhas.

-Gara Warra Galaatiyaa 5:22 fi 23a

Si'a lammaffaas Yesuus, "Simoon ilma Yohannis, ana jaalattaa ree?" jedheen; yommusis inni, "Eeyyee gooftaa! Akkan si jaalladhu atuu ni bee-kta" jedhee deebiseef. Yesuus immoo, "Hoolota koo eegi!"

-Wangeela Yohannis 21:16

"Isin yoo na jaallattan abboommota koo ni ee-gdu."

-Wangeela Yohannis 14:15

Namni, "Waaqayyoon nan jaalladha" jedhee, obboleessa isaa immoo yoo jibbe, inni sobduu dha; obboleessa isaa isa arge kan hin jaallanne, Waaqayyoon isa hin argin jaallachuu hin danda'u.

-1 Ergaa Yohannis 4:20

"Jaalala yoo waliif qabaattan, kanaan namoonni hundinuu akka isin bartoota koo taatan ni beeku" jedhe.

-Wangeela Yohannis 13:35

Nuyi obboloota waan jaallannuuf du'a keessaa gara jirenyatti akka darbine beekna; namni nاما hin jaallanne immoo du'a keessatti hafa.

-1 Ergaa Yohannis 3:14

Waaqayyoon jaalachuu jechuunis abboommota isaa eeguu dha; abboommonni isaa immoo ba'aa ulfaatoo miti.

-1 Ergaa Yohannis 5:3

## 38 DU'AA KA'UU YESUUS KIRISTOOS

Yesuus jalqaba torbanii, [guyyaa Sanbata guddaa] ganama barii yommuu du'aa ka'e, dura Maariyaam ishee Magdalaatti mul'ate; Maariyaam kun ishee inni hafuurota hamoota torba keessaa baasee turee dha.                   -Wangeela Maarqos 16:9

Yesuus irra-daddarbaa keenyaaf du'atti dabarfamee kennname; qajeelummaa akka argannuufis du'aa kaafame.                   -Gara Warra Roomaa 4:25

“Nuyi biyya Yihudootaatii fi mandara Yerusaalemitti, waan Yesuus hojjete hundumaaf dhugabaatuu isaa ti; jarris isuma mukatti fannisanii ajeessan. Waaqayyo garuu guyyaa sadaffaatti du'aa isa kaasee, akka inni mul'atu godhe. Haa ta'u iyyuu malee, nama hundumaatti utuu hin ta'in, nuyi warra dhuga-baatuu isaa akka taanuuf fo'amnee du'aa ka'uu isaa booddee isaa wajjin nyaannee dhugnetti mul'ateera.”

—Hojii Ergamootaa 10:39-41

Guyyaa saddeet booddees bartoonni isaa ammas walitti qabamanii mana keessa turan, Toomaasis isaanii wajjin ture. Isaan mana cufatanii utuu taa'anii, Yesuus dhufee isaan gidduu dhabatee, “Nagaan isiniif haa ta'u!” isaaniin jedhe. Kana booddee Toomaasiin, “Quba kee fidii as irra kaa'i, harka koo lamaan ilaali, harka kee fidiitii madaa cinaacha koo keessa kaa'i; kan hin amanne hin ta'in, kan amante ta'i malee!” jedhe. Toomaasis, “Gooftaa ko, Waaqayyo ko!” jedhee deebiseef.                   -Wangeela Yohannis 20:26-28

**“Yerichi warri du'an sagalee ilma Waaqayyoo itti dhaga'an dhufuuf jira, ammuma iyyuu dhufeera; warri isa dhaga'anis ni jiraatu. Waa'ee kanaa hin dinqifatinaa; warri du'anii awwaalaman sagalee isaa yeroon itti dhaga'an ni dhufa. Isaan awwala keessaa ni ba'u, warri waan gaarii hojjetan jirenya agachuudhaaf ni ka'u, warri waan hamaa hojjetan immoo firdiitti dhi'aachuudhaaf ni ka'u” jedhe.**

**-Wangeela Yohannis 5:25b fi 28, 29**

**Yookiis nuyi warri Kiristoos Yesuusitti dabala-muudhaaf cuuphamne, du'a isaattis isatti dabala-muudhaaf akka cuuphamne ni wallaaltanii ree? Nuyi cuuphamuudhaan du'a isaatti isatti dabala-mnee isaa wajjin awwalamneerra; Kiristoos humna abbaa isa ulfina-qabeessaan warra du'an keessaaakkuma kaafame, nus immoo jirenya haa-raatti ni jiraanna. Akkuma du'a isaatti isaa wajjin walitti dabalamne, akkasuma du'aa ka'uu isattis isaa wajjin walitti ni dabalamna.**

**-Gara Warra Roomaa 6:3-5**

**Kiristoos isin keessa erga jiraatee, dhagni keessan sababii cubbuutiif du'aa yoo ta'e iyyuu, sababii qajeelummaa argattaniif hafuurichi jirenya isiniif ta'a. Hafuurri Waaqayyoo inni Yesuusiin warra du'an keessaa kaase, isin keessa yoo jiraate, inni Kiristoosiin warra du'an keessaa kaase, hafuura isaa isa isin keessa jiraatuun, dhagna keessan isa du'us immoo ni jiraachisa.**

**-Gara Warra Roomaa 8:10, 11**

## **40 GOFTAAN QULQULLUU DHA**

Saba isaa furuudhaaf dhufe,...harka diinota keenyaa nu oolchuudhaaf, nus sodaan malee akka isaaaf hojjennu gochuudhaaf; qulqullummaa fi tolatti fuula isaa dura jiraachuudhaaf, bara jireenyaa keenya hundumaatti.

–Wangeela Luqaas 1:68b, 74, 75

Yaa michoota ko! Abdii kana erga qabaannee, kottaa, waanuma dhagna keenyaa fi hafuura keenya xureessuttii of ni qulleessinaa; Waaqayyoon sodaachuutti jiraachuudhaanis qulqullummaa fiixaan ni baafanna. –2 Gara Warra Qorontos 7:1

Obboloota nana! Kana irraa kan hafe immoo Waaqayyoon gammachiisuudhaaf attamitti jiraachuun akka isin irra jiru barumsa nu irraa argattaniittu; akkuma amma itti jirtan iyyuu caalchiftanii akka itti fuftan maqaa Yesuus gooftaatiin isin ni kadhanna, isin ni gorsinas. Waan gochuun isiniif ta'u maqaa gooftaa Yesuusiin gorsa akka isiniif kennine ni beektu. Waaqayyo halalummaa irraa fagaattanii qulqullummaatti jiraachuu isin irraa ni fedha. Dhiirri adduma addaan haadha manaa qabaatee qulla'aummaa fi ulfinatti dhagna isaa eeggachuu haa beeku! Xuraa'ummaatti utuu hin ta'in, qulla'aummaatti akka jiraannuuf Waaqayyo nu waame.

–1 Gara Warra Tasaloniiqee 4:1-4, 7

Inni isin waame qulqulluu akkuma ta'e, isinis adeemsa keessan hundumaan qulqulloota ta'aa! Inni caaffata qulqulla'a keessatti, “Ani qulqulluu waanan ta'eef, isinis qulqulloota ta'aa!” jedheera.

–1 Ergaa Phexros 1:15, 16

Yesuusiis akkasuma dhiiga ofii isaatiin saba qulleessuudhaaf karra mandarichaa duubatti dhiphate.

-Gara Ibrootaa 13:12

Inni uumamuu biyya lafaa dura iyyuu warra qulqullaan, warra isa duratti mudaan hin qabne akka taanuuf, jaalalaan.... Namummaa haaraa isa qajeelummaa fi qulqullummaa dhugaatti, fakkaattii Waaqayyootiin uumame uffadhaa!

-Gara Warra Efesoon 1:4; 4:24

Achi keessa karaan ni ba'a, maqaan isaas, "Karaa qulqullaan" ni jedhama; karicha irra warra furaman kana duwwaatu adeema, warri gowwoonni iyyuu isa irraa hin kaatan; namni xuraa'an garuu achi irra hin darbu.

-Macaafa Isaayaas Raajichaa 35:8

Cubbuu keenya yoo isatti himanne, inni amanamaa fi qajeelaa waan ta'eef, cubbuu keenya nuuf ni dhiisa, jal'ina keenya hundumaattiis nu qulleessa.

-1 Ergaa Yohannis 1:9

Wanti kun hundinuu akkasitti wal ni gad dhissa erga ta'ee, isin namoota attamii ta'uutu isiniif ta'a ree? Jireenya qullaa'aa, jireenya namoota Waaqayyoof ta'u jiraachuun isin irra jira.

-2 Ergaa Phexros 3:11

Namoota hundumaa wajjin nagaadhaan jiraadhaa! Isa malee namni tokko illee goofticha hin argu waan ta'eefis, jireenya qulqullummaaf dhama'aa!

-Gara Ibrootaa 12:14

Ulfina maqaa isaatiif ta'u waaqayyoof dhi'eessaa! Qulqullummaa akka mi'a miidhaginaatti naqadhaatii Waaqayyoof sagadaa!

-Macaafa Faarfannaa 29:2

## 42 NAMOOTA HAFUURA QULQULLUUN GUUTAMAN

“Egaa isin hamoota taatanii utuu jirtanii, ijoollee keessaniif kennaa gaarii kennuu erga beektanii, abbaan keessan inni waaqa irraa immoo, hammam isin caalaa warra isa kadhataniif Hafuura Qulqulluu kenna!” jedhe.

-Wangeela Luqaas 11:13

Isaan kadhata afaanii fixuunii fi iddoon isaan itti walitti qabaman socho'uun, wal faana ta'e. Hundumti isaaniis hafuura qulqulluudhaan guutamanii, dubbi Waaqayyoo ija jabummaadhaan dubbachaa turan. -Hojii Ergamootaa 4:31

“Ani hafuura koo isin keessa nan kaa'a, isin akka seerrata kootti akka adeemtaniif, wanta qajelaa ta'es gaarii gootanii akka eegdan isin nan godha.” -Macaafa Hisqi'el Raajichaa 36:27

Hafuurri Waaqayyoo yoo dhuguma isin keessa jiraate, isin akka fedha hafuuraatti malee akka fedha fooniitti hin jiraattan; namni hafuura Kirostoos of keessaa hin qabne, kan Kiristoos miti.

-Gara Warra Roomaa 8:9

“Isin garuu, hafuurri qulqulluun yommuu isin irra bu'u, humna ni godhattu; ... dhuga-baatuu koo ni taatu.” -Hojii Ergamootaa 1:8

Haa ta'u iyyuu malee, amantoonni mandara anxokiyaa gammachuudhaa fi hafuura qulqulluudhaan guutamanii turan. -Hojii Ergamootaa 13:52

Dhugaatiidhaan machooftanii of hin wallaali-naa, isaanis of hin balleessinaa! Qooda kanaa hafuura qulqulluudhaan guutamaa!

-Gara Warra Efsoon 5:18

Waaqayyo warra garaan isaanii cabetti dhi'oo dha, warra yaadni isaanii caccabee bullaa'es ni fayyisa.

—Macaafa Faarfannaa 34:18

“Kana hundumaa harka kootu hojjete, wanti kun hundinuuus akkasuma ni ta'an; ani gara isa gad deebi'aa fi isa hafuura cabaa, gara isa yommuun itti dubbadhu hollatuu nan ilaala.”

—Macaafa Isaayaas Raajichaa 66:2

Yommus Yesuus, “Yoo dandeesse jettee? Nama amanuuf wanti hundinuu ni danda'ama” jedheen.

—Wangeela Maarqos 9:23

Michoota ko, wanti akka ibiddaa gubu isin qoruudhaaf yommuu isin irra bu'u, waan takkaa ta'ee hin beekne waan isin irra bu'e fakkaatee, isin hin dinqifachiisin! Kiristoos ulfina isaatiin yommuu mul'atu, gammaddanii akka ililchitanitti, hammuma dhiphina isaa keessaa hirmaattuu taatan, isinis hammasuma gammadaa!

—1 Ergaa Phexros 4:12, 13

“Inni imimmaan hundumaa ija isaaniittii ni haqa; wanti duraa waan darbeef, egaa duuni deebi'ee hin argamu, gadduun, iyyuun, waraansis si'achi hin jiru!” jedhe.

—Mul'ata Yohannis 21:4

Waaqayyoon amanadhu, wanta gaarii ta'es hoj-jedhu; biyyuma keessa nagaadhaan taa'i, amanamummaas eeggadhu!

—Macaafa Faarfannaa 37:3

“Duraan dursitanii yaada keessan mootummaa Waaqayyoo fi qajeelummaa isaa barbaaduutti hidhaa! Kana malees kan barbaachisu hundinuu immoo isiniif ni kennama.”

—Wangeela Maatewos 6:33

**Inni waan ofii isaatii dhiphatee, qoramee arge keessatti, warra qoramni itti dhufu gargaaruu ni danda'a.**

-Gara Ibroota 2:18

**Waaqayyo inni nagaa kenu immoo dafee See-xana miilla keessan jalatti ni caccabsa.**

-Gara Warra Roomaa 16:20a

**Yommuu ati bishaan keessa adeemtu ani sii wajjinan jira, yommuu ati bishaan keessa ceetus bishaan si fudhatee hin badu; ibidda keessa yommuu darbitu hin gubattu.**

-Macaafa Isaayaas Raajichaa 43:2

**Qoramni namatti dhufee hin beekne isinitti hin dhufne. Waaqayyo amanamaa waan ta'eefis, humna keessan gararraatti akka isin qoramtaniif isin hin dhiisu, garuu qorama sana keessatti akka isin dandeessan ni godha, karaa isin keessaa batanis isiniif ni kenna.**

-1 Gara Warra Qorontos 10:13

**Wanti hamaan nama qajeelaatti ni baay'ata, Waaqayyo garuu kana hundumma keessaa isa ni baasa.**

-Macaafa Faarfannaa 34:19

**Waaqayyo warra isa jaallatan karaa hundumaa gargaaree gara gaariitti isaan ni geessa; isaanoo warra akka akeeka isaatiitti waamamanii dha.**

-Gara Warra Roomaa 8:28

**Cubbuutu irraa dhabame malee, angafa lubootaa isa karaa hundumaan akka keenya qorame qabna; isa dadhabbiin keenya garaa isaa hinrukunne garuu hin qabnu.**

-Gara Ibrootaa 4:15

**“Inni mo’u kana itti darbee argachuuf jira; ani Waaqayyo isaa nan ta’ा, innis ilma koo ni ta’ा.”**

-Mul’ata Yohannis 21:7

**“Isa mo’u sana mana qulqullummaa Waaqayyo koo keessatti utubaa nan godha; isa keessaas matumaa hin baafamu. Maqaa Waaqayyo kootii, maqaa mandara Waaqayyo kootii, Yerusaalem ishee haaraa ishee Waaqayyo koo biraa waaqa keessaa gad buutu, maqaa koo isa haaraas utuba kana irratti nan caafa.”** -Mul’ata Yohannis 3:12

**“Nama mo’utti akkasuma uffata adiitu uffifama; ani maqaa isaa macaafa jirenyaa, isa warri jirenya argachuuf jiran keessatti caafaman keessaa hin balleessu; abbaa koo duratti, ergamoota isaa durattis maqaa isaa waamee kan koo ta’uu isaa nan beeksisa.”** -Mul’ata Yohannis 3:5

**“Ani ofii kootii mo’ee abbaa koo wajjin teessoo isaa irra akkuman taa’e, inni mo’u anaa wajjin teessoo koo irra akka taa’uuf aboo nan kennaaf.”**

-Mul’ata Yohannis 3:21

**“Namni gurra qabu, isa hafuurri qulqulluun wal-doota kiristiyaanaatiin jedhu haa dhaga’u! Isa mo’eef muka ija isaa nyaatanii jiraatan isa janna-ta Waaqayyoo keessa jiruttii nyaachuu nan ken-naaf” kan jedhuu dha.** -Mul’ata Yohannis 2:7

**“Nama mo’uuf, isa hojii koo hamma dhumaatti eeggatee hojjetuufis, saba hin amanne baay’ee ir-ratti aboo nan kennaaf.”** -Mul’ata Yohannis 2:26

Warri wal fuudhan akka gargar hin baane nan abbooma; kanas gooftaatu abboome malee ana miti haati manaa abbaa manaa isheettii gargar hin ba'in! Yoo abbaa manaa isheettii gargar baate garuu, utuu hin heerumin haa teessu yookii immoo abbaa manaa isheetti haa araaramtu; abbaan manaas haadha manaa isaa hin baasin! Haati manaa, hamma abbaan manaa ishee jirutti seera gaa'elaatiin isatti hidhamtee jiraatti. Erga abbaan manaa ishee du'ee garuu, abbaa feetetti heerumuun ni dandeessi, garuu nama amanetti haa heerumtu.

-1 Gara Warra Qorontos 7:10, 11, 39

Fakkeenyaaaf dubartiin heerumte tokko, hamma abbaan manaa ishee jiraatu duwwaatti seeraan itti hidhamtee jirti; abbaan manaa ishee yoo du'e garuu, seera isa ittiin abbaa manaa ishee sanatti hidhamtettii hiikamuu ishee ti. Egaa akka kannatti abbaan manaa ishee utuma jiruu, dhiira kan biraaj wajjin yoo jiraatte, ejjituu jedhamti, abbaan manaa ishee yoo du'e garuu, isheen see-ra sanattii hiikamteetti, dhiira kan biraatti yoo heerumtes ejjituu hin jedhamtu.

-Gara Warra Roomaa 7:2, 3

“Namni haadha manaa isaa hiikee kan biraaj fuudhu hundinuu ni ejja, dubartii abbaa manaa isheettii gargar baate kan fuudhus ni ejja” jedhe.

-Wangeela Luqaas 16:18

“Ani garuu isinittan hima, yoo isheen ejjite malee namni haadha namaan isaa baasu, akka isheen ejjitu ni godha; namni dubartii gad dhiifamte fuudhus ni ejja” jedhe.

-Wangeela Maatewos 5:32

# GOOTTAAN YESUUS DEEBI'EE NI DHUFA 47

**“Yommuu dhaqee iddoo sana isiniif qopheessus, iddoodhuma ani jiru isinis akka jiraattaniif, deebi’ee dhufeetan gara ofii kootiitti isin fudhada.”**

—Wangeela Yohannis 14:3

**“Yommus milikkinni ilma namaa waaqa keessatti ni mul’ata; yeroo sanatti sabni biyya lafaa hundinuu boo’uuf jiru; ilmi namaa immoo duumessoota waaqaa irra humnaa fi ulfina guddaadhaan dhufuu isaa arguuf jiru.”**

—Wangeela Maatewos 24:30

**“Nama dhaloota garagaggalaan dhaa fi cubbamaa kana keessatti, anatti, dubbii koottis yeella’utti, ilmi namaa ulfina abbaa isaatiin qulqulloota ergamootaa wajjin yommuu dhufu isatti ni yeella’a” jedhe.**

—Wangeela Maarqos 8:38

**Michoota ko! Nuyi amma ijoolee Waaqayyoo ti; isa booddee immoo maal ta’uuf akka jirru mul’ataa miti. Haa ta’u iyyuu malee, yommuu inni mul’atu inni akka jirutti isa arguuf waan jirruuf, akka isaa akka taanu beekna. Akka kanatti kan isa abdatu hundinuu akkuma isa qulqulluu sanaatti of ni qulqulleessa.**

—1 Ergaa Yohannis 3:2, 3

**“Akkasuma ilmi namaa yeroo isin isa hin eegnetti waan dhufuuf, isinis immoo qophooftanii taa-uutu isin irra jira!” jedhe.**

—Wangeela Luqaas 12:40

**“Ilmi namaa ulfina abbaa isaatiin ergamoota isaa wajjin dhufuuf jira; yommus adduma addaan akka hojii isaatiitti gatii isaa ni kennaaf.”**

—Wangeela Maatewos 16:27

**“Waaqnii fi lafti darbuuf jiru, dubbiin koo garuu gonkumaa hin darbu” jedhe.**

**-Wangeela Luqaas 21:33**

**Caaffanni qulqullaa’aan hundinuu geggeessaa hafuura Waaqayyootiin caafame; barsiisuuf, ball-eessaa hubachiisuuf, qajeelchuuf, qajeelummaattis leejjisuudhaaf dhimma ni baasa.**

**-2 Gara Ximotewos 3:16**

**Dubbiin kee miilla kootiif ibsaa dha, daandii koo irrattis ni ifa.**      **-Macaafa Faarfanna 119:105**

### **KADHADHU, DHIIFAMAS GODHI**

**“Egaa yommuu kadhattan, ‘Yaa isa waaqa irra jirtu abbaa keenyaa! Maqaan kee qulqulluu ta’ee haa eegamu; mootummaan kee haa dhufu, jaallali kee waaqa irratti akka ta’u, akkasuma immoo lafa irratti haa ta’u! Soora har’aa bor nu barbaachisu har’a nuuf kenni! Akkuma nuyi warra nu yakkaniif dhiifne, yakka keenyas nuuf dhiisi! Qoramattis nu hin galchin, hamaa nu oolchi malee; [mootummaan, humni, ulfinnis baruma baraan kan kee ti. Ameen!]” jedhaa! “Namootaaf irradaddarbaa isaanii yoo dhiiftaniif, abbaan keessan inni waaqa irraa immoo isiniif ni dhiisa. Garuu isin namootaaf yoo dhiisuufii baattan, abbaan keessan immoo irra-daddarbaa keessan isiniif hin dhiisu” jedhe.**      **-Wangeela Maatewos 6:9-15**

# **DAANDII FAYYISUU WAAQAYYOO**

***Fayyisaan Barbaada.***

**Hundinuu yakkaniiru, ulfinni Waaqayyoos  
isaanitti hir'ateera.** –Gara Warra Roomaa 3:23

***Kiristoos Anaaf Du'e.***

**Kiristoos immoo gara Waaqayyootti isin fiduu-  
dhaaf jedhee, yeroo hundumaaf akka ta'utti al  
tokkicha, cubbuu namoota baay'eetiif dhipha-  
teera.** –1 Ergaa Phexros 3:18a

***Cubbuu irraa deebi'uun fedha.***

**Namni irra-daddarbaa isaa dhokfatu, hin hiiqu;  
namni irra-daddarbaa isaa himatu, kan dhiisus  
garuu araara ni argata.**

–Macaafa Fakkeenyaa 28:13

***Amantiidhaan Yesuusiin Fudhachuun Qaba.***

**Hamma isa simataniif immoo ijoolle Waaqayyoo  
akka ta'aniif aboo isaaniif keene; isaanis warra  
maqaa isaatti amananii dha.**

–Wangeela Yohannis 1:12

***Fayyuun koo Duugaa Akka Ta'e  
Beekuu Nan danda'a.***

**Namni ilma Waaqayyoo qabaatu jireenyicha  
qaba.** –1 Ergaa Yohannis 5:12

**“Dhuguma, dhuguman isinitti hima, dubpii koo  
dhaga'ee isa ana ergetti kan amanu jirenyaa bara  
baraa qaba; inni du'a keessaa gara jirenyaaatti  
darbe malee, gara firdii hin dhaqu.”**

–Wangeela Yohannis 5:24

Published in numerous languages by World Missionary Press, Inc  
as God supplies funds in answer to prayer. **For questions or more  
information by country, visit: [www.wmp-contacts.org](http://www.wmp-contacts.org)**

Qindessaan  
Waatson Gudmaan

KAN HIN GURGURAMNE



**World Missionary Press**  
**PO Box 120**  
**New Paris, IN 46553-0120 USA**  
**[www.wmpress.org](http://www.wmpress.org).**